

**Aalisarnej pillugu Inatsisartut inatsisaata allanngortinneqarnissaa pillugu
Inatsisartut inatsisissaattut nr. xx, xx. xxxx 2001-imeersussatut siunnersuut.**

Nassuiaatit nalinginnaasut

Allannguutit uku takussutissaapput, Naalakkersuisut kissaateqarnerannut sinerissamut qanittumi raajarniarnerup nutarterneqartariaqarneranik. Inatsisip siunertaraa aalisagaqartuarnissaanik siunertap iluani, aalisagartassat Naalakkersuisunit annertussusilerneqartartut tamakkerneqartarnissaasa qulakkeerneqarnissaat. Taamatuttaaq inatsip siunertaraa aalisarnej pillugu inatsit toqqammavigalugu aqutsinerup ammanerusumik ingerlanneqarnissaa.

Naalakkersuisut kissaatigaat sinerissamut qanittumi raajarniarnermi nutarterinissaq piviusunngortariaqartoq, tamannalu pissasoq allat aningaasaliisarfiit peqataatinnerisigut Landskarsi kisiat isumalluutaatinnagu.

Naalakkersuisut isumaqarput, ullumimut naleqqiullugu sinerissamut qanittumi raajarniarnermi angallatit anginerusut pissarsiarineqartarnissaat periarfissarissaarnerusariaqartoq taamatullu periarfissarsiuuttariaqartoq sinerissamut qanittumi raajarniarnermi imminut akilersinnaasunik aalisartitseqatigiiffinnik pilersitsisoqartarnissaa.

Naalakkersuisut naliliipput, sinerissamut qanittumi raajarniarnermi nutarterinissamik siunertaqarnej amerlasuutigut piviusunngortinneqarsinnaasoq inatsit atuuttoq allanngortinngikkaluarlugu uuminngali allannguutissatut siunnersuummik tapiliussinikkut. Taamaattumik Naalakkersuisunit aamma siunertarineqarpoq, angallatit angissusissaannut useqarsinnaassusaannullu killigititanik qaffaanissaq. Allannguutit tamakku atortussanngortinneqassapput nalunaarutinik pioreersunik allanngortitsinikkut.

Inatsisip aningaasatigut aqutsinikkullu kinguneri

Inatsit Landskarsip aningaasartuuteqarnerulerneranik kinguneqassangatinneqanngilaq.

Oqaaseqaatit inatsip aalajangersagartaanut ataasiakkaanut

§ 1 nr. 1-mut

Ukiuni kingullermi marlunni isertitat tamarmiusut 2/3-ii inuussutissarsiutigalugu aalisarnermit isertinneqarsimanissaannik piumasaqarnermut taarsiullugu siunnersuutigineqarpoq apparitisoqassasoq ikinnerpaamik isertitat tamarmiusut 50 %-inut inuiaqatigiinnit piumaffigineqarneq tunngavigalugu sulinikkut isertitarisimasat ilanngaatigeqqaarlugit.

Aalajangersagaq allangortinneqarpoq aalisarnerup piniarnerullu iluinni malittarisassat imminnut qanillattorsinnaaqullugit. Piniarnek aallaaniarnerlu pillugit inatsisartut inatsisaanni nr. 12 -mi 29. oktober 1999-meersumi § 4 imm. 2, nr. 4-mi kiisalu Aalisarnek, piniarnek nunalerinerlu pillugit Inatsisartut peqqussutaanni nr. 13-mi 30. oktober 1998-meersumi piumasaqaataavoq isertitat tamarmiusut 50 %-iunissaat.

Aalajangersakkap nassatarissavaa, ukiuni kingullermi marlunni isertitat tamarmiusut 50-ii inuiaqatigiinnit piumaffigineqarneq tunngavigalugu sulinikkut isertitarisimasat ilanngaatigeqqaarlugit, inuussutissarsiutigalugu aalisarnermit, piniarnermiit, savaateqarnermiit tuttuuteqarnermiilluunniit isertitaasimappata, taava aalisarnermut inatsimmi inuutissarsiutigalugu aalisartutut isigineqarnissamut piumasaqaataasut anguneqarsimassapput.

§ 1 nr. 2-mut

Ingerlatseqatigiiffiit imaluunniit inuit ataasiakkaat pisassiissutinik pigisanik aalisariutit ilaannut immikkoortunut sinerissamut qanittumi aalisartunut pisassiissutigineqartunik pisiortormikkut pisassiissutit tamarmiusut 6-ii qaangerlugit pigisaqalersinnaannginnerannut piumasaqaammut allannguutaavoq.

Killissarititaasoq 10 %-tinut qaffanneqarpoq, aalisartitseqatigiiffiit anginerusut kattuttarnissaat angorusullugu, taamaalilluni aalisartitseqatigiiffinnik akilersinnaasunik pilersitsisoqartalerniassammat. Ukioq manna pisassiissutigineqartut tamakkerlugit qissimikkaanni 10 %-it amerlaqatigissavaat 3.639 tonsit.

§ 1 nr. 3-mut

Aalajangersakkatigut anguniarneqarpoq ikorffinissaq pisassat amerlassusileriikkat pisassallu aningaasarsiutaalluartut TAC-siileriikkat nungunneqartarnissaasa qulakkeerusunneqarnerinnut.

Inatsit uuma siulia atuuttoq malillugu, ukioq pisassiivik naanerani aalisarnek unitsinneqartarpoq. Aalisarnek unittariaqartarpoq aalisartitseqatigiiffiit ataasiakkaat pisassiissutigineqartunik tamakkiinngitsoorsimagaluarpataluunniit.

Ilisimaarineqarpoq ukiut arlaanni aalisartitseqatigiiffiit pisassiissutigineqartunik tamakkiinnngitsoorarterat naatsorsuutiginnngilluinnakkamik sila pissutaalluni aalisarneq kinguaattoortarmat, aserortoortoqarsimappat sivisuumilluunniit amoqqasoqarsimappat imaluunniit soorlu ukioq manna pisutut raajanut TAC malunnartumik qaffanneqarsimangaangat.

Naalackersuisut isumaqarput, aalisartitseqatigiiffiit ataasiakkaat aningaasaqarniarnerat eqqarsaatigalugu kiisalu inuiaqatigiit aningaasaqarniarnerat eqqarsaatigalugu pingaarluinnartoq inatsisip ikorfiisuunissaa, aalisakkat iluanaarutaasartut TAC-iata nungunneqartarnissaanut, aalisarneq Naalackersuisut pisassanut killiliisimanerisa iluinni ingerlakkallartillugu aammalu aalisarneq peqassutsikkut illersorneqarsinnaagallartillugu.

Naalackersuisut isumaqarput ukiumut pisassat amerlassusaannik nikerartitsisarneq tungaviumumik angallatinit kalaallit nunaanni angerlarsimaffilinnit taamaallaat iluaqutissarsivigineqartassasoq. Naalackersuisulli aamma nunat allamiunut ukiumut pisassiissutaasartunik allanngorartitsisarsinnaapput, aatsaalli tamanna pippat ukiunik arlariinnik qilersorfiumumik aammali oqimaaqatigiissumik nunarsuarmioqatigiit akornanni isumaqatigiissummik tunngaveqarluni.

§ 1 nr. 4-mut

Inatsimmut immikkoortortap siunertaraa aalisarsinnaanermut akuersissutit tunniunneqarsimasut pillugit paasissutissat tamanut nalunaarutigisarsinnaanngornissaat aamma angallatit ataasiakkaat aalisarsinnaanermik akuersissummik peqaqqaarlutik pisisinnaasaasa amerlassusaat, tassunga ilanngullugit paasissutissat aalisarnermi pisassiissutinit pisisimasanut tunngasut, aalisarnermi aalisakkat pisassatut amerlanerpaaffilerneqarsimasut eqqartortillugit. Aammattaaq siunertaavoq inuutissarsiuutigalugu aalisarnerup iluani akuersissutit allat nalunaarutigisarsinnaanngornissaanut akuerineqarnissaq.

KANUAANA-mi suliarineqartarput, Naalackersuisut pisassiissuteqarfigisimasaanni aalisarnermi, pisassiissutigineqartunit pisisarneqartunut naatsorsuutit. Tamanut nalunaaruteqarnermi ilanngunneqassapput, pisassinneqartup aqqi aammalu angallatinit pisassiissutigineqartut tamakkerlutik amerlassusaat kiisalu pisat assigiinnngitsut tamakkiisumik oqimaassusaat piffimmi pisassiiffiusumi naatsorsorneqarsimasussat. Angallatit nalerai - aalisarfii allorniusat sanimukartut ammukartullu aamma minutsit aggorneri nalunaarutigineqartassanngillat.

Tamanut nalunaaruteqartarnerup siunertaraa pisassinneqarsimasut aalisarnermilu kattuffiit aalisarnermut pilersarusiornissaanni ikorfiinissaq kiisalu nammineq pisassatut pigisanik ukiumullu pisassiissutinik nioqquteqartarnermik uummarissaanissaq. Tamanut nalunaaruteqartarnissamut aalajangersakkap iluani pput angallatit kalaallit nunanni angerlarsimaffillit kiisalu nunani allani angerlarsimaffillit. Paasissutissat nalunaarutigineqartassapput taamaakkallartutut uppersarneqarnissaasa tungaannut.